

60  
S. D. N.

# D. PAVLI

Diuina prouidentia Papæ Quinti .

## CONSTITVTIO

De Magistris Linguarum Hebraicæ , Græcæ , Latinæ ,  
& Arabicæ à Regularibus in suis studijs habendis.



---

R. O M A E,

Ex Typographia Camerae Apostolicæ.

M. D C X.

1  
S. D. M.  
D. P. A. V. L. I.

Reiner Präsidentin P. von G...  
CONSTITUTION  
Die Rechte des gemeinen Mannes, Gesetz...  
des Reiches zu erhalten in seiner...  
1792



1792  
1792  
1792

# PAVLVS EPISCOPVS

## Seruus seruorum DEI.



D perpetuam rei memoriam. Apostolicæ seruitutis onere, infirmitati nostræ à Domino, inscrutabili consilio eius, imposto, assidue admonemur, sapientibus, & insipientibus constitutos nos esse debitores; vt scilicet per ministerium nostri Apostolatus, qui sapiunt, quod Sanctus docet Bernardus, non desipiant, qui non sapiunt, sapiant, & qui desipiunt respiciant: quibus verbis instrui nos satis perspicimus, vt fideles in fide, & charitate conseruare, & infideles ab infidelitatis tenebris educere, & hæreticos, ac peccatores à peruersitate erroris, ac seruitute peccati liberare aspirante gratia DEI, à quo omnis sapientia, pastoralis sollicitudine procuremus. Cum verò præceptum Domini lucidè illuminet oculos, ac testimonium eius fidele sapientiam præstet paruulis, omni vigilantia procurare debemus, vt Prædicatores, & Doctores verbi DEI ad opus DEI operandum instructi reddantur in dies magis, & partes suas, quantum cum Domino fieri potest, ad gloriam eius, & vtilitatem animarum quotidie melius, & felicius adimpleant. Cui rei plurimum conducere satis constat Linguarum cognitionem, Hebraicæ præsertim, Græcæ, Latine, & Arabicæ: hæc enim conuersione Infidelium opportunissima esse dignoscitur, quando magna eorum pars aut Arabicè loquitur, aut intelligit: ac si vnquam reliquarum trium Linguarum noticia in Ecclesia DEI vtilis fuit, diebus nostris profectò vtilissima est: hostis enim humani generis Linguarum scientia, singulari dono DEI hominibus tradita, ad ipsius Largitoris contumeliã, & fidei suæ Catholicæ detrimentum, nunc vt cum maxime abutitur. Quamobrem fe. rec. Clementis Papæ V. Prædecessoris nostri, quantum conditio temporis patitur, vestigijs insistentes, Motu proprio, & ex certa scientia, maturaq; deliberatione nostris, deq; Apostolicæ nobis attributæ potestatis, plenitudine, hac nostra perpetuò valitura Constitutione sancimus, statuimus, & ordinamus, vt in cuiuscunque Ordinis, & Instituti Regularium, tam mendicantium, quàm non mendicantium, etiam quomodolibet exemptorum, & Apostolicæ Sedi immediatè subiectorum, studijs omnibus trium Linguarum huiusmodi, Hebraicæ videlicet, Græcæ, & Latine, in maioribus verò, ac celebrioribus etiam Arabicæ Doctores, Regulares quidem, & eiusdem Ordinis, si in illo harum Linguarum sufficientem noticiam habentes sint, sin minus, leculares, aut alterius Ordinis Regulares, qui illas actu, & diligenter doceant, habeantur, si studia in Urbibus, & locis existunt, vbi Linguarum prædicarum peritos conducendi facultas est: studijs verò Locorum, vbi huiusmodi Doctores desunt, cum primùm in alijs studijs vbi Linguae huiusmodi docebuntur, Scholares tantum profecerint, vt docendis alijs idonei sint, de iisdem Scholaribus provideatur. Quod, vt citius, & facilius fieri possit, & sperati fructus ex Linguarum huiusmodi studio appareant, omnibus, & singulis Regularium Superioribus sub indignationis nostræ pœna eadem auctoritate, tenore præsentium præcipimus, & mandamus, & si ipsi negligentes fuerint, eorundem ordinum Regularium apud

Nos,

Nos, & Sedem Apostolicam Protectoribus iniungimus, eorum conscientias de superonerantes, vt omni cura, & sollicitudine quanto citius prouideant, vt Scholæ Linguarum huiusmodi quamprimum instituantur, ac Doctores prædicti deputentur, earumdemq; Linguarum Lectionibus Scholares assignentur, qui illis sedulam, & assiduam operam nauent. Hi verò Scholares vt alacrius huic studio incumbant, volumus, & decernimus, vt in promotione ad Doctoratus gradus, & ad alios sui ordinis honores illi, ceteris paribus, præferantur, qui in cognitione trium saltem Linguarum prædictarum profecerint, ita, vt ad illas docendas apti sint. Non obstant. Constitutionibus, & ordinationibus Apostolicis, ac quibusuis statutis, & consuetudinibus, priuilegijs quoque, indultis, & litteris Apostolicis, quibusuis Vniuersitatibus, illarumq; Rectoribus, ac Ordinibus prædictis, & illorum Superioribus, & personis, sub quibuscunq; tenoribus, & formis, ac cum quibusuis etiam derogatoriarum derogatorijs, alijsq; efficacioribus, & insolitis clausulis, ac irritantibus, & alijs decretis in genere, vel in specie, ac aliàs in contrarium præmissorum quomodolibet concessis, confirmatis, & innouatis: Quibus omnibus, & singulis eorum omnium, & singulorum tenores præsentibus pro plenè, & sufficienter expressis, & ad verbum insertis habentes, hac vice dumtaxat specialiter, & expressè derogamus, ceterisq; contrarijs quibuscunq;. Nulli ergo omnino hominum liceat hanc paginam nostrorum Sanctionis, statuti, ordinationis, præcepti, mandati, iniunctionis, onerationis, voluntatis, decreti, & derogationis infringere, vel ei ausu temerario contraire; si quis autem hoc attentare præsumpserit indignationem Omnipotentis Dei, ac Beatorum Petri, & Pauli Apostolorum eius se nouerit incursum.  
Dat. Romæ apud Sanctum Marcum pridie Kal. Augusti, anno Incarnationis Dominicæ M. DC. X. Pontificatus Nostri Anno Sexto.

M. Card. Nazarenus Prodat.

S. Cobellurius.

S. de Vrsinis.

Registrata apud Scipionem Secretarium.

Anno à Natiuitate D. N. Iesu Christi 1610. Indiçt. 8. Pontif. S. D. N. D. Pauli diuina prouidentia Papæ Quinti Anno eius Sèxto, die verò 28. mensis Septembris, retroscriptæ litteræ Apostolicæ affixæ, & publicæ fuerunt ad valuas Cam. Apost. & in Acie Campi Floræ per nos Bernabeum Politum, & Brandimartem Latinum S. D. N. Papæ Curfores, &c.

Virginus de Virginis Mag. Curf.